

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Մայիսի 12-ին տեղի ունեցավ ՀՍՍՀ գիտությունների ակադեմիայի տարեկան ընդհանուր ժողովը, որին ներկա էին՝ Յ. Սարգսյանը, Ռ. Արզումանյանը, ՍՄԿԿ Կենտկոմի պատասխանատու աշխատող Ա. Մախոբիեր, ՀԿԿ Կենտկոմի գիտության և ուսումնական հաստատությունների բաժնի վարիչ Ա. Մելիքյանը:

Բացելով ժողովը, ՀՍՍՀ գիտությունների ակադեմիայի պրեզիդենտ, ակադեմիկոս Վ. Համբարձումյանը ներկաներին խնդրեց հետևյալս հարգել 1987 թ. կյանքից հեռացած հանրապետության գիտությունների ակադեմիայի իսկական անդամների և թղթակից-անդամների հիշատակը: Ներկաները հետևյալս հարգեցին նաև 1988 թ. փետրվարի վերջերին Սումդաշիթ քաղաքում ջարդերի ժամանակ սպանված հայ ժողովրդի զավակների հիշատակը:

Մեր կյանքի վերականգնման պայմաններում, ներածական խոսքում ասաց Վ. Համբարձումյանը, մեծ է այն բանի նշանակությունը, թե գիտնականները որքան խոր և բազմակողմանիորեն կըմտնեն գիտության դերի ու տեղի կարևորությունը այդ դինամիկ պրոցեսում, որը կոչված է մեր երկիրը բարձրացնելու զարգացման որակապես նոր մակարդակի: Դրա համար անհրաժեշտ են ոչ միայն նոր մտածողություն, գիտական նոր մոտեցումներ, այլև հիմնարկների կազմակերպական կառուցվածքի համապատասխանեցում գիտական որոնման ներկայիս առանձնահատկություններին: Պրեզիդենտը հիշեցրեց, որ մշակվել և գործում է հանրապետության գիտությունների ակադեմիայի զարգացման մինչև 2000 թվականն ընկած ժամանակաշրջանի համալիր ծրագիր: Գիտական հիմնարկներում կառուցվածքային փոփոխություններ են կատարվում, որոնք կազմակերպական ձևերը կհամապատասխանեցնեն առաջադրված գիտական խնդիրների առանձնահատկություններին: Վ. Համբարձումյանը մեծ ուշադրություն նվիրեց գիտաշխատողների ատեստավորմանը, որը պետք է որոշի, թե ով ինչքանով է համապատասխանում նոր պահանջներին, թե ով է ընդունակ իր ստորաբաժանումներում մոբիլիզացնելու մարդկանց, լինելու «գաղափարների գեներատոր» կամ մշակելու այդ գաղափարները: Այս հատկանիշներով էլ հենց պետք է որոշվի նաև ակադեմիայի ինստիտուտների գիտաշխատողների ստատուսը:

ՍՄԿԿ XXVII համագումարը նշեց, որ վերականգնման արդյունավետությունը, տնտեսական աճը մեծապես կախված են մեքենաշինությունից: Հանրապետության մեքենաշինական համալիրին առաջադրվել են զարգացման արագ տեմպեր, այստեղ պետք է երեք-չորս անգամ կրճատվեն նոր տեխնիկայի մշակման և յուրացման ժամկետները: Տեխնիկական բազան արագորեն նորացնելու, այն նոր որակական վիճակի փոխադրելու կուսակցության այդ հիմնադրույթների լույսով պահանջվում է նոր գաղափարների և գիտական մշակումների մշտական համալրում: Եվ միանգամայն բնական է, որ այդ բնագավառում վճռական դերը հատկացվում է հիմնարար հետազոտություններին, որոնք կոչված են գլխավորելու վերականգնումը մեքենաշինության մեջ:

Անհրաժեշտ է գիտության վճռական շրջադարձ դեպի արտադրության պահանջմունքները: Իր հերթին արտադրությունը ևս նույնքան վճռականորեն պետք է շրջվի դեպի գիտությունը: Հաշվետու տարում ստացվել է գյուտերի համար 109 դրական որոշում, իսկ ներդրման համար ներկայացված է դրանց ընդամենը մեկ հինգերորդը:

ՀՍՍՀ ԳԱ պրեզիդենտը իր խոսքում զգալի տեղ հատկացրեց ժամանակակից տեխնիկական միջոցներով գիտական հիմնարկները հագեցնելու հարցերին, նշեց, որ մի շարք հատուկ կոնստրուկտորական բյուրոների կոնկրետներ կարող էին իրենց մշակումներով այդ հիմնարկներին մեծ օգնություն ցույց տալ: Հանրապետության գիտությունների ակադեմիայի պլանով 1987 թ. նախատեսված էր կատարել 6,5 մլն. ռուբլու տնտկայմանագրային աշխատանք, բայց կատարվել է կրկնակին: Սա խոսում է այն մասին, որ ակադեմիայի այդ հիմնարկների ստեղծագործական պոտենցիալը և տեխնիկական հնարավորությունները կարող են բավարարել էկոնոմիկայի, ամբողջ ժողովրդական տնտեսության ամենաբարդ պահանջմունքները:

Երկրի հասարակական կյանքի դեմոկրատացումը հասարակագետ գիտնականների առջև դրել է մի ամբողջ շարք պրոբլեմներ ու հարցեր, որոնց անցյալում ուշադրություն չէր դարձվում: Այսօր կյանքը հրամայաբար պահանջում է, ասաց Վ. Համբարձումյանը, վերադառնալ:

այն թվականներին, որոնք անհատի պաշտամունքի տարիններին, լճացման ժամանակաշրջանում գիտական հետաքրքրության շրջանակներից դուրս էին մնացել: Նա կոնկրետ խնդիրներ առաջադրեց ակադեմիայի հիմնարկների կոլեկտիվներին՝ վերականգնման արդի պահանջների և սոցիալ-տնտեսական զարգացման խնդիրների լուստով:

ՀԱՍԻԱԳԻՏՈՒԹՅՈՒՆՆԵՐԻ ԿԼԱՏԻԿԱԿԱՆ 1987 թ. գիտական և գիտակազմակերպական գործունեության հիմնական արդյունքների մասին զեկուցումով հանդես եկավ ՀԱՍԻԱ ԳԱ ակադեմիկոս-քարտուղարի պաշտոնակատար, ՀԱՍԻԱ ԳԱ թղթակից-անդամ Դ. Սեդրակյանը: Նա ասաց, որ վերականգնման պայմաններում սոցիալ-տնտեսական զարգացումն արագացնելու խնդիրը և կյանքի բոլոր բնագավառների դեմոկրատացումը սովետական գիտության առջև սկզբունքորեն նոր խնդիրներ է դրել: Նախորդ տարիներին փորձը ցույց է տալիս, որ վերականգնումը դեռևս անբավարար տեմպերով է ընթանում: Հաղթահարված լին դանդաղկոտությունը, հնից հրաժարվելու դժվարությունը, անվճարակա-նությունը, վեճի-դժգոհությունը: Զեկուցողն ասաց, որ ՍՄԿԿ ԿԼԵՄԵՆԵՎԻ 1988 թ. փետրվարյան պլենումը քննեց «Միջնակարգ ու բարձրագույն դպրոցի վերականգնման ընթացքի և դրա իրականացման ուղղությամբ կուսակցության խնդիրների մասին» հարցը: Պլենումը մասնավորապես նշեց բարձրագույն դպրոցի, ակադեմիական և ճյուղային ինստիտուտների ավելի սերտ փոխգործակցության, ժամանակավոր միջգերատեսչական գիտատեխնիկական կոլեկտիվների ստեղծման անհրաժեշտությունը, ընդգծեց, որ պետք է պրակտիկա դարձնել բուհերի դասախոսների ստաժավորումը ակադեմիայի հիմնարկներում, կազմակերպել երկակի ենթակայության լաբորատորիաներ, ինստիտուտներ, ընդարձակել բուհերի ամբիոնների և ակադեմիայի ինստիտուտներում դրանց մասնաճյուղերի ցանցը: Այս պահանջներին հակառակ, այսօր Ծրեանի պետական համալսարանի հետ ակադեմիայի փոխադարձ կապերը նվազագույնի են հասցված, ինչը անուղղելիորեն վնաս է պատճառում գիտական կադրերի պատրաստմանը և հանրապետությունում գիտության զարգացմանը: Արդեն ժամանակն է գործնականորեն անցնել փոխադարձ մերձեցման:

Այնուհետև Դ. Սեդրակյանը կանգ առավ ակադեմիայի աշխատանքում կատարված դրական տեղաշարժի վրա, խոսեց կազմակերպական գործունեության վերականգնման, գիտության ղեկավարման մեջ կատարվող ապակենտրոնացման, դեմոկրատացման պրոցեսների, հրապարակայնության ընդլայնման, ստեղծագործական պրոցեսում գիտական կոլեկտիվների դերի մեծացման մասին: Նշեց, որ մեծ աշխա-

տանք է տարվել այն փաստաթղթերի նախապատրաստման ուղղությամբ, որոնցում արտացոլվել է ակադեմիայի գիտական հետազոտությունների ուղղությունը: Քննարկվել և սահմանվել են այն հեռանկարային ուղղությունները, որոնցում ակադեմիան կարող է կամ առաջատար տեղ գրավել կամ էլ արդյունավետորեն մասնակցել դրանց մշակմանը:

Այժմ ակադեմիայի գիտականները մասնակցում են ընդհանուր միութենական 17 գիտատեխնիկական ծրագրերի և ՍՍՀՄ գիտության և տեխնիկայի պետական կոմիտեի հաստատած 5 պլանների շրջանակներում հետազոտությունների կատարմանը, լրացուցիչ մշակվում է ևս 13 թեմա:

Այնուհետև զեկուցողը հանգամանորեն խոսեց ակադեմիայի հիմնարկների գիտական նոր ստորաբաժանումների գործունեության մասին, ներշնչեց, որ գյուտարարական աշխատանքների արգասավորության բարձրացման նպատակով ստեղծված է նաև գյուտերի ներդրման ընդհանուր ակադեմիական բաժին:

Անդրադառնալով ՀԱՍԻԱ ԳԱ համակարգում տեղի ունեցող վերականգնման ընթացքը լուսաբանող հանրապետության մասնաշաղկան ինֆորմացիայի միջոցների աշխատանքին, Դ. Սեդրակյանը նշեց, որ մամուլի ելույթները հիմնականում օբյեկտիվ և գործարար բնույթ են կրում: Նույնը չի կարելի ասել, սակայն, օրինակ, ֆիզիոլոգիայի ինստիտուտի վերաբերյալ Վոլոժնոտկան Հայաստան թերթում տպագրված հոդվածի մասին: Միաժամանակ հարկ է, որպեսզի տպագիր օրգանները զանազան կազմակերպությունների աշխատանքի թերությունները բացահայտելուն զուգընթաց ներկայացնեն նաև այն գրականը, որ ձեռք է բերվում վերականգնման ընթացքում:

Տարեկան ընդհանուր ժողովում զեկուցման շուրջ ծավալվեց մտքերի աշխույժ և անկաշկանդ փոխանակություն, որին մասնակցեցին ՀԱՍԻԱ ԳԱ ակադեմիկոսներ Մ. Տեր-Միքայելյանը, Էդ. Զրբաշյանը, Ա. Գաբրիելյանը, Մ. Ներսիսյանը, Յ. Սարգսյանը, Մ. Քոթանյանը, ակադեմիայի թղթակից-անդամներ Մ. Մալսիսյանը, Վ. Խոջաբեկյանը, Վ. Բաբխուդյանը: Նրանք հավանություն տվեցին հաշվետու զեկուցմանը և խոսեցին գիտության վերականգնման, գիտական ուղղությունների զարգացման ընտրության հնարավորությունների, նորագույն տեխնիկայի և սարքավորումների ներդրման, խմելու ջրի պրոբլեմի կարգավորման, ակադեմիային կից էկոլոգիական հարցերով զբաղվող գիտական կենտրոն ստեղծելու հրատապ անհրաժեշտության, Ծրեան քաղաքի զարգացման հեռանկարների, քաղաքի էկոլոգիական վիճակը առաջիկայում ևս բարելավելու:

Հայկական ակադեմիային վայել արդիական տպագրական համապատասխան բազայի ստեղծման, հասարակագետ գիտնականների համար նոր մասնաշենք կառուցելու մասին: Իրենց ելույթներում ակադեմիկոսներն ու թղթակից-անդամներն առաջ քաշեցին մշակութային-հասարակական բազմաթիվ հարցեր, մասնավորապես հայ ժողովրդի պատմության, գրականության ասպարեզում մինչ այժմ փակ մնացած դեմքերի, էջերի ուսումնասիրության, հոբելյանների, հիշարժան տարեթվերի (Մովսես Խորենացու «Հայոց պատմության» 1500-ամյակը, Գրիգոր Նարեկացու «Մատյան ողբերգության» 1000-ամյակը) նշում, Հովհ. Քումանյանի երկերի լիակատար ժողովածուի հրատարակության հետ կապված հարցեր (թուղթ, տպագրություն, քաժանորդագրություն) և այլն: Ելույթ ունեցողները հատկապես հանգամանորեն անդրադարձան արգի փուլում ազգային հարցերի ինտերնացիոնալ լուծման, ազգային և սոցիալ-տնտեսական խնդիրներին նոր տեսանկյունների մոտենալու, Լեոնային Ղարաբաղի և Նախիջևանի էկոնոմիկայի, պատմության, ժողովրդագրության հարցերին: Նշվեց, որ այսպիսի տեսանկյուն է ժամանակին ստեղծել երևույթների գնահատման գիտական-քաղաքական պլատֆորմ և ոչ թե գնալ կատարված դեպքերի ու իրադարձությունների հետևից: Ելույթներում միահամուռ հարց բարձրացվեց, որպեսզի ընդհանուր ժողովը դատապարտի Սովետային քաղաքում հայ բնակչության նկատմամբ իրագործված բռնություններն

ու սպանությունները և ընդհանուր ժողովի որոշման մեջ ընդունվի համապատասխան կետ՝ Լեոնային Ղարաբաղի Ինքնավար մարզը Հայկական Սովետական Սոցիալիստական Հանրապետությանը վերամիավորելու օգտին:

ՀՍՍՀ ԳԱ տարեկան ընդհանուր ժողովում տեղի ունեցավ հանրապետության գիտությունների ակադեմիայի պատվավոր պարգևների հանձնման հանդիսավոր արարողություն: Գիտական արդյունավետ և անխոչ գործունեության համար «Մեծարժան գիր» հանձնվեց ՀՍՍՀ ԳԱ ակադեմիկոսներ Ն. Հաբուսյունյանին և Վ. Ղազարյանին: Գիտահետազոտական արդյունավետ գործունեության համար մի մեծ խումբ գիտական աշխատողների հանձնվեցին վաստակագրեր և գովեստագրեր:

Ժողովում գիտական զեկուցումներով հանդես եկան ՀՍՍՀ ԳԱ թղթակից-անդամ Յու. Ալեքսանյանը («Հիբրիդային բջիշները և ներանց նշանակությունը մոլեկուլարաշխարհային կենսաբանության զարգացման համար») և ՀՍՍՀ ԳԱ ակադեմիկոս Գ. Ջաճուկյանը («Հնդկավրուպական լեզուների նախահայրենիքի պրոբլեմը ժամանակակից գիտության մեջ»):

ՀՍՍՀ ԳԱ ակադեմիկոսներ Բ. Ասաֆյանի, Ս. Վարդանյանի և ՀՍՍՀ ԳԱ թղթակից-անդամ Ռ. Մարտիրոսյանի զեկուցումների հիման վրա հաստատվեցին ՀՍՍՀ ԳԱ բաժանմունքի կանոնադրությունը, ՀՍՍՀ ԳԱ գիտահետազոտական ինստիտուտի կանոնադրությունը, ՀՍՍՀ ԳԱ ընտրությունների կանոնադրությունը:

ՀՍՍՀ ԳԱ ՊԱՏՄՈՒԹՅԱՆ ԵՎ ՏՆՏԵՍԱԳԻՏՈՒԹՅԱՆ ԲԱԺԱՆՄՈՒՆՔԻ ՏԱՐԵԿԱՆ ԺՈՂՈՎՐ

Մայիսի 10-ին տեղի ունեցավ ՀՍՍՀ ԳԱ պատմության և տնտեսագիտության բաժանմունքի տարեկան ժողովը: Բաժանմունքի 1987 թ. գործունեության հիմնական արդյունքների մասին «աշվետու զեկուցմամբ հանդես եկավ պատմության և տնտեսագիտության բաժանմունքի ակադեմիկոս-քարտուղար, ՀՍՍՀ ԳԱ ակադեմիկոս Բ. Ասաֆյանը: 1987 թ. մեր խորհրդի կյանքում նշանավորվեց խոշոր իրադարձությամբ. սովետական ժողովուրդը տոնեց Հոկտեմբերյան մեծ հեղափոխության 70-ամյա տարելիցը, ասաց նա: 1987 թ. հունվարյան և հունիսյան պլենումների լույսի տակ վերլուծական քննության ենթարկվեց սովետական ժողովուրդների անցած ուղին, հատուկ ուշադրության առարկա հանդիսացան երկրի հասարակական-տնտեսական, քաղաքական և գաղափարական կյանքի վերակառուցման խնդիրները: Վերակառուցումը, թեև ոչ անհրաժեշտ անմիջապես ու խորությամբ, տեղի է ունենում

նաև հասարակական գիտությունների բնագավառում: 1987 թ. ԳԱ նախադահլույսներ քըն-նարկել է պատմության և տնտեսագիտության բաժանմունքի ինստիտուտների գիտական գործունեության ընթացքը, ճշտվել են դրանց գիտահետազոտական ուսումնասիրությունների հիմնական ուղղությունները, կրկին վերանայվել են գիտահետազոտական աշխատանքի պլանները՝ դրանք վերակառուցման խնդիրներին աճելի մերձեցնելու, աշխատանքների գիտական որակը բարձրացնելու և արդյունավետությունը մեծացնելու նշանաբանով: Բաժանմունքի ինստիտուտների գիտական հետազոտությունները ինքնապատակ չեն: Դրանք պետք է կատարվեն մի կողմից՝ նոր մտածողության և վերակառուցման խնդիրներին համապատասխան, մյուս կողմից՝ ակտիվորեն նպաստեն մեր հանրապետության աշխատավորության, մասնավորապես երիտասարդության գաղափարական և հոգևոր աճին, նրանց ինտերնացիոնալ և հայրենասի-

րական դաստիարակությանը, հասարակական-քաղաքական և աշխատանքային ակտիվության բարձրացմանը:

Բ. Առաքելյանը հանգամանորեն խոսեց րաժանմունքի հիմնարկների՝ Տնտեսագիտության, Պատմության, Հնագիտության և ազգագրության, Արևելագիտության ինստիտուտների, Սփյուռքահայ համայնքների պատմության և մշակույթի բաժնի, Հասարակական գիտությունների գիտական ինֆորմացիայի կենտրոնի, բաժանմունքի, նրա բյուրոյի, Արտասահմանյան գաղափարական հոսանքների պրոբլեմների և Սոցիալիստական ազդերի զարգացման ու մերձեցման պրոբլեմների խորհուրդների, Հոկտեմբերյան սոցիալիստական մեծ հեղափոխության կոմպլեքսային գիտական խորհրդի հայկական սեկցիայի գործունեության մասին:

Բաժանմունքի հիմնարկներում, շարունակեց զեկուցողը, պետք է ներդրվեն գիտական ուսումնասիրության նորագույն մեթոդները և տեխնիկան, մեծ անելիքներ կան հրապարակայնության և դեմոկրատիայի ծավալման բնագավառում: Այնուհետև Բ. Առաքելյանը անդրադարձավ բաժանմունքի գիտական աշխատանքներում եղած թերություններին, կատարեց մի շարք գործնական առաջարկներ:

Ներկայացվող հաշվետվությունը սահմանափակված է 1987 թ. շրջանակներով, այսուհետև դերժ, ասաց Բ. Առաքելյանը, չենք կարող շանդրադառնալ 1988 թ. փետրվար-մարտ ամիսներին Լեոնային Ղարաբաղում անգի ունեցած անցքերին: Դրանց արձագանքները դրսևորվեցին ոչ միայն մասսայական ցույցերով Երևանում, այլև սովետական կարգերին անհարիր ջարդերով ու բարբարոսական բռնություններով՝ Սումգայիթում, այն էլ ՍՄԿԿ Կենտկոմի գլխավոր քարտուղար Մ. Ս. Գորբաչովի՝ Ադրբեյջանի և Հայաստանի աշխատավորությանը հղած շրջահայաց դիմումից հետո: Պատմաբանները արձագանքեցին Լեոնային Ղարաբաղի բնակչության արդարացի պահանջներին, կազմվեցին հարցին վերաբերող գիտականորեն հիմնավորված տեղեկանքներ: Հանրապետության գիտնականները մասնակցեցին Մոսկվայում ՍՍՀՄ ԳԱ և խաղաղության կոմիտեի կազմակերպած խորհրդակցություններին, մշակվեցին հայ, վրաց, ադրբեյջանցի և ՍՍՀՄ գիտությունների ակադեմիայի գիտնականների գործունեության համատեղ ծրագրեր: Սակայն մեր հանրապետության գիտնականների խնդիրները դրանով չեն ավարտվում: Անհրաժեշտ է մշակել ժողովուրդների բարեկամության և ինտերնացիոնալիզմի բազմակողմանի ու գիտա-

կանորեն հիմնավորված լուսաբանման և քննարկման ծրագիր: Հատուկ ուսումնասիրման առարկա պետք է դառնան ազգերի ինքնորոշման, ինչպես և ազգային ինքնագիտակցության ու հոգեբանության հարցերը:

Բաժանմունքի իսկական անդամների և թղթակից-անդամների 1987 թ. գործունեության մասին զեկուցումով հանդես եկավ բաժանմունքի ակադեմիկոս-քարտուղարի տեղակալ, ՀՍՍՀ ԳԱ թղթակից-անդամ Վ. Խաչատրյանը:

Բաժանմունքի 1987 թ. գործունեության արդյունքների քննարկմանը մասնակցեցին ՀՍՍՀ ԳԱ ակադեմիկոսներ Մ. Քոքաբեյանը, Մ. Խեչուխյանը, բանասիրական գիտությունների թեկնածու Կ. Դալլախյանը, պատմական գիտությունների դոկտոր Խ. Բաբսեյանը: Նրանք հավանություն տվեցին հաշվետու զեկուցմանը, բաժանմունքի 1987 թ. գործունեությունը գնահատեցին բավարար: Ելույթ ունեցողները հանգամանորեն խոսեցին վերակառուցման ուղղությամբ բաժանմունքի ինստիտուտների կատարած և կատարելիք աշխատանքների, հասարակագիտական ինստիտուտների համար նոր մասնաշենք կառուցելու անհրաժեշտության մասին, նշվեց գիտական արտադրանքը օտար լեզուներով հրատարակելու հրատապության հարցը (մասնավորապես ճայ ժողովրդի պատմությունը միհատորյակը օտար լեզուներով հրատարակելու), վերակառուցման արդի փուլում պատմագիտության առջև ծառացած խնդիրներին, նոր մտածողության դիրքերից մեր երկրի պատմության շրջադարձային փուլերի նորովի գնահատման հարցը, որոշվեց հարգաբարձրացնել, որպեսզի ստեղծվի Եղեռնին նվիրված պատմության թանգարան: Նշվեց նաև զենոցիդի իրողությունը ճանաչելու անհրաժեշտությունը: Խոսվեց նաև այն մասին, որ տնտեսաշրջակի և ինքնաֆինանսավորման նոր պայմաններում պետք է կտրուկ բարձրացնել աշխատությունների ձեռագրերի գիտական մակարդակը, որպեսզի այն ոչ թե խանգարի, այլ խթանի, նպաստի հրատարակչության գործունեությունը, այսինքն՝ պլանավորումը պետք է կատարել տնտեսական գործոնի հաշվառման հիման վրա: Մտքերի փոխանակությունն ամփոփեց Բ. Առաքելյանը:

Ժողովում լսվեցին զեկուցումներ: ՀՍՍՀ ԳԱ ակադեմիկոս Մ. Քոքաբեյանը հանդես եկավ «վերակառուցումը և տնտեսագիտական պրոբլեմները» զեկուցումով, իսկ պատմական գիտությունների դոկտոր Ռ. Սաֆալյանը՝ «ճայ ժողովրդի նոր պատմության հարցերը եվրոպական հեղինակների լուսարանմամբ» թեմայով:

ՀՍՍՀ ԳԱ ՓԻԼԻՍՈՓԱՑՈՒԹՅԱՆ ԵՎ ԲԱՆԱՍԻՐՈՒԹՅԱՆ ԲԱԺԱՆՄՈՒՆՔԻ ՏԱՐԵԿԱՆ ԺՈՂՈՎԸ

Մայիսի 11-ին տեղի ունեցավ ՀՍՍՀ ԳԱ փիլիսոփայության և բանասիրության բաժանմունքի տարեկան ժողովը: Բաժանմունքի 1987 թ. գործունեության հիմնական արդյունքների մասին հաշվետու զեկուցամամբ հանդես եկավ փիլիսոփայության և բանասիրության բաժանմունքի ակադեմիկոս-քարտուղար, ՀՍՍՀ ԳԱ ակադեմիկոս Գ. Բրուտյանը: Հաշվետու տարում շարունակվել են աշխատանքները ՍՄԿԿ XXVII և ՀԿԿ XXVIII համագումարների, ՍՄԿԿ կենտկոմի հունվարյան և հունիսյան պլենումների որոշումների կենսագործման ուղղությամբ, ասաց նա: Այդ որոշումների լույսի ներքո վերանայվել և ճշգրտվել են բաժանմունքի ինստիտուտների գիտահետազոտական և հրատարակչական պլանները: 1987 թ. բաժանմունքն անց է կացրել 6 ընդհանուր ժողով, որից 3-ը ՀՍՍՀ ԳԱ պատմության և տնտեսագիտության բաժանմունքի հետ: Երկու բաժանմունքների համատեղ առաջին նիստում անց է կացվել Ստեփան Շահումյանի անվան մրցանակաբաշխություն. մրցանակը շնորհվել է ՀՍՍՀ ԳԱ փիլիսոփայության և իրավունքի ինստիտուտի դիրեկտորի տեղակալ, փիլիսոփայական գիտությունների դոկտոր Ա. Էկմալյանին՝ «Գիտություն, ծագումը և սոցիալական ֆունկցիան» գրքի համար: Հետագա համատեղ ժողովներում քննարկվել են Ուրարտու պետության մշակույթի և պատմության հարցերը: Բաժանմունքը, շարունակեց զեկուցողը, ունեցել է բյուրոյի 21 նիստ: Բյուրոյի նիստերում լսվել և քննարկվել են «ՍՄԿԿ XXVII և ՀԿԿ XXVIII համագումարների որոշումների կենսագործման ուղղությամբ բաժանմունքի միջոցառումների պլանին», հանրապետության աշխատավորության աթիստական և ինտերնացիոնալ դաստիարակության, անդրդեկլասյան հանրապետությունների աշխատավորության ինտերնացիոնալ կապերի հետագա զարգացման ուղղությամբ բաժանմունքի միջոցառումների պլանների կատարման ընթացքը: Քննարկվել են ՀՍՍՀ ԳԱ Մ. Արեղյանի անվան գրականության ինստիտուտում ՍՄԿԿ XXVII և ՀԿԿ XXVIII համագումարների որոշումներից քիսող՝ սոցիալիստական ուսուցիչի ուսումնասիրման հարցերը: Բյուրոյի ընդլայնված նիստերում լսվել են բանասիրության և արվեստի պրոբլեմներին նվիրված գիտական զեկուցումներ, քննարկվել են գիտակազմակերպական միջաբե հարցեր:

Ձեկուցողը հանգամանորեն ներկայացրեց փիլիսոփայության և բանասիրության բաժանմունքի ինստիտուտներում ձեռք բերված կառուր արդյունքները, նշեց, թե ինչ պրոբլեմների ուղղությամբ են ընթացել հետազոտություն-

ները փիլիսոփայության, իրավունքի, հոգեբանության և արվեստի բնագավառներում: Այնուհետև Գ. Բրուտյանը անդրադարձավ ինստիտուտներում ձեռք բերված արդյունքներին, ընդարկեց այն ընթացքին ու պրոբլեմներին, որոնցով զբաղվում են գիտական աշխատակիցները: Դրանք են՝ ՍՍՀՄ 1991—2010 թթ. գիտատեխնիկական առաջադիմության կոմպլեքս ծրագիր, մատերիալիստական գիտելիքային՝ իրեն համընդհանուր զարգացման տեսության մշակում, գիտական ճանաչողության տեսություն և տրամաբանություն, պատմական մատերիալիստական տեսության, հասարակական գիտությունների մեթոդաբանության մշակում, դրանց դերի բարձրացումը գիտատեխնիկական և սոցիալական առաջադիմության սերտաճման պրոցեսում, սովետները որպես սոցիալիստական ժողովրդագիտության ձև, ՍՍՀՄ ժողովուրդների փիլիսոփայական մտքի պատմություն, ՍՍՀՄ ժողովուրդների պատմական ներդրումը սովետական հասարակության և համաշխարհային մշակույթի մեջ, մարքս-լենինյան զեկուգիտության կարևորագույն կատեգորիաներ և արվեստի ընդհանուր տեսական պրոբլեմները, զեկուգիտական մտքի զարգացումը, եղբայրական սոցիալիստական երկրների զբաղանությունների զարգացման օրինաչափությունները, համաշխարհային հեղափոխական պրոցեսը և կապիտալիստական երկրների արդի զբաղանությունը, ՍՍՀՄ ժողովուրդների զբաղանության նախահեղափոխական շրջանի տեսություն, սովետական բազմազգ զբաղանության պատմություն, ՍՍՀՄ ժողովուրդների լեզուներ, լեզվաբանության տեսություն և մեթոդաբանություն, հանրալեզվաբանություն, կիրառական լեզվաբանություն, ուսաց լեզուն որպես ՍՍՀՄ ժողովուրդների ազգամիջյան հաղորդակցման լեզու, ուսաց լեզուն ժամանակակից աշխարհում: Գ. Բրուտյանը անդրադարձավ նաև Բնագիտության և տեխնիկայի պատմության խորհրդի, Դավիթ Անհաղթի տեսական ժառանգության և Միջնադարյան Հայաստանի փիլիսոփայական գիտական խորհրդի, Բարոյագիտության պրոբլեմների գիտական խորհրդի գործունեությանը: Վերջում ակադեմիկոս Գ. Բրուտյանն ասաց, որ փետրվար-մարտ ամիսներին Լեռնային Ղարաբաղի շուրջ ծավալված դեպքերը մեծ հուզմունք և տագնապ առաջացրին մեր ժողովրդի բոլոր խավերի մեջ, մեր լիզացրին գիտականների շանքերը հայկական մարզի բնակչության հոգևոր պահանջմունքների նկատմամբ կոմպլեքսային ծրագրեր մշակելու ուղղությամբ: Այդ առումով նա մի շարք կոնկրետ առաջարկություններ կատարեց:

Բաժանմունքի իսկական անդամների և ընդթակից-անդամների 1987 թ. գործունեության հիմնական արդյունքների մասին զեկուցեց փիլիսոփայության և բանասիրության բաժանմունքի ակադեմիկոս-քարտուղարի տեղակալ, ՀՍՍՀ ԳԱ ակադեմիկոս Ի. Զահուկյանը:

Փիլիսոփայության, բանասիրության և արվեստի բնագավառում հանրապետության բուհերի 1987 թ. հետազոտությունների արդյունքների և կոորդինացիայի խնդիրներին անդրադարձավ բաժանմունքի ակադեմիկոս-քարտուղարի տեղակալ, ՀՍՍՀ ԳԱ ակադեմիկոս Է. Զրբաշյանը:

Զեկուցումների շուրջ ծավալված մտքերի փոխանակությանը մասնակցեցին ՀՍՍՀ ԳԱ ակադեմիկոս Է. Զրբաշյանը, բանասիրական գիտությունների դոկտոր Լ. Հախվերդյանը, պատմական գիտությունների դոկտոր Խ. Բաբսեդյանը: Նրանք հավանություն տվեցին հաշվետու զեկուցմանը, բաժանմունքի 1987 թ. գործունեությունը գնահատեցին բավարար և խոսեցին ինստիտուտներում ատենադպրման ու աշխատավարձի բաշխման ամենամյա պրակտիկան արմատավորելու, խոշոր թեմաների ընտրության կատարման, Հովհ. Թումանյանի ակադեմիական

հատորների հրատարակության հետ կապված դժվարությունների (թղթի, տպագրության, ազատ բաժանորդագրության և այլ հարցեր), մեր ժողովրդի մեծերի գրական ժառանգության հրատարակության, գիտաշխատակիցներին ըստ իրենց հնարավորության և տաղանդի, ըստ ընդունակությունների օգտագործելու հարցի, սոցիոլոգիական հետազոտություններն արդի պահանջների ոգով և մակարդակով կատարելու, աշխատությունների հրատարակության հետ կապված բազմազան հարցերի, հրատարակչության նյութական և տեխնիկական բազայի ամրապնդման մասին: Մտքերի աշխույժ և անկաշկանդ փոխանակությունն ամփոփեց Գ. Բրուտյանը:

Ժողովում զեկուցումներով հանդես եկան ՀՍՍՀ ԳԱ թղթակից-անդամ Վ. Նալբանդյանը և փիլիսոփայական գիտությունների թեկնածու Գ. Պողոսյանը: Վ. Նալբանդյանի զեկուցման թեման էր Մարդու էության ըմբռնումը Գր. Նարեկացու «Մատյան ողբերգության» պոեմում, իսկ Գ. Պողոսյանինը՝ «Գիտությունը վերակառուցման ճանապարհին (մեթոդաբանական և սոցիոլոգիական վերլուծություն)»: